

Зурагъасн давулад

Авсн социалистическ даалгъвран кўцāхин тōлā зўткдж, Западн района (КПСС-н райкомин сеглāтрнъ ўр Ильин, района кўцāгч комитетин ахлачнъ ўр Федичкин.) колхозмуд болн совхозмуд июль сарин 26-д орн-нутгтан 2 сай 144 минъгън 700 пуд буудя орулдж ѓгв, эс гидж зурагъан 102,1 процент кўргдж кўцāв.

Август сарин нег шин кўртл нег сай пуд буудя государствд ѓгх болдж Приютненск района (КПСС-н райкомин сеглāтрнъ ўр Постников, района кўцāгч комитетин ахлачнъ ўр Яшкилев) эдл-ахус ѓѓдāн даалгъвр авцхала. Тўўгāн, июль сарин 26-д, нег сай хойр зун дѓчн дѓрвн минъгън пуд кўргдж кўцāцхāв.

Элет балгъсна (КПСС-н балгъсна комитетин сеглāтрнъ ўр Трубицын, балгъсна кўцāгч комитетин ахлачнъ ўр Джимбинов) колхозмуд болн совхозмуд 240 минъгън пуд буудя государствд орулдж ѓгх бāāсмн, июль сарин 26 кўртл 261 минъгън 900 пуд буудя орн-нутгтан ѓгв, эс гидж зурагъан 109,1 процент кўцāцхāв.

Танъгъчин цуг эдл-ахус цааранднъ чигн государствд буудя орулдж ѓгā бāāцхāнā.